


Silap nalunartui Julia Parsip takutippaa

Julia Parsip eqqumiitsuliat nutaarluinnaat Grønlandsbankenimi saqqummersippai. Eqqumiitsuliat ataqatigiissut "Sila" silap allanngorarneranik takutitsipput

Qalipaait panerlaaruttoramik Julia Pars'ip eqqumiitsuliat Grønlandsbankenip Nuumi immikkoortortaani saqqummersitassai taama nutaajutigaat. "Sila" qulequtsiullugu kalaallip eqqumiitsuliortup silap nalunartua allanngorarneralu takutippai. Assilissat ataqatigiissut aningaaserivimmi saqqummersitassatut immikkut qalipassimavai.



Takuneqarsimanngisaannartut

- Assilissat nutaarluinnaapput takuneqarsimanngisaannartut. Qalipaait qaamasut ilisarnaatigaat. Assilissat ilaat oqaatsinik ilanearput. Oqaaseq sila oqaasiuvoq tamatigoortoq assigiinngitsorpassuarnik isumaqarsinnaasoq taama nassuarneqarpoq, eqqumiitsuliat pillugit Julia Pars oqaluttuarpoq. Soqutiginnittut ataasinngonermit 30. april tikillugu Grønlandsbankenip sullitat saaffiginnittarfiini quleriit siullianni aappaanilu eqqumiitsuliat alutorsaatigisinnaavaat. Ammasarfiit tassaapput ataasinngorneq-sisamanngorneq nalunaaqutaq 9:30 – 15:30, tallimannornermi 9:30 – 15:00.

Arnaq niuertoq eqqumiitsuliullammak

Julia Pars Katuaq-mi pisortaavoq, Air Greenlandimilu siulersuisunut siulittaasuulluni. Ilulissaneersuuvoq, Fyn-imi eqqumiitsuliornermi ilinniarsimasuulluni. Ukiuni 20-ni eqqumiitsuliortutut suliai tamatigoortuupput. Kalaallit Nunaani Danmarkimilu saqqummersitsinerit assigiinngiutsut atuakkanullu assilialiornerisa saniatigut, eqqumiitsuliat Hurligruten-imi umiarsuaani Kalaallit Nunaaliartaammi Fram-imi aalajangersimasumik assiliaataapput.